

SCIO QUOSDAM CONTRACTVROS FRONTĀ, QVOD IN IIS SOLINIANIS Cōmentarijs nostris, tam frequenter Magnum Albertū coarguerim. ID autem ea ratione factum sciunt, ne scilicet quempiā pulchro allectum nomine, falsum pro uero, uel cōtra, quod studiosis pnciosius nihil est, amplecti contingat. Simulq; ut quorundam tolleretur anilis error, qui in ijs, in quibus Albertus a primę etiā classis authoribus contraria pdidit, abiectis Ptolemęo, Solino, Pōponio, Strabone, Plynio, Columella, Varrone, Theophrasto, Aristotele iudicio omniū peritissimo, ijsq; non inferioribus, uni Alberto, ad aras usq; etiā peierando / credendum putant. Maluimus enim iure Albertum carpere, q̄ iniuria amicam ledere ueritatem. Miror quosdam politionum etiā literarū studiosos, tanti eum facere authorem, cū in ijs quę ad particularia, & bonas fruges maxime pertinent, raritate rarius uerum dicat. Fatebuntur id, qui libros eius de natura locorū, de lapidibus preciosis, de uegetalibus, & plantis, de animalibus, deq; alijs q̄ plurimis diligenter intropexerint. Nisi quis nō Alberto, sed temporī, quo floruit / culpam tribuat. Affuit alia me rursus causa mouens magis, quod is Solinū, quem in manus sumptam exponendum, pręter ius omne, id est, in quibus uerum dicit, plerumq; laniat, & sugillat. Peperci Alberto plurimū, deum testor, cum sexcenta errata eius alia, quę iam ad manus erant, ijs Cōmentarijs inserere distulerim. Vellem Alberti sectatores tam gratum eis authorem in manus sumerent, eumq; tandem quacūq; ratione / ab erroribus uendicaret. Sed reor hoc laboriosius multo esse, q̄ uel Ioui fulmē, uel Herculi clauam subtrahere.

IOANNES SYNGRENIVS CALCOGRAPHVS LECTORIBVS.

Cuperem equidem humanissimi Lectores in Solino tāto authore, eoq; demum nitore prodituro, cum a me imprimeretur, hoc pręstari potuisset, uti expectationi omnium ac desyderijs uelocitate excudendi responderem, tantamq; utilissimi & eximij operis gratiam festinatione cumularē. Verum quando id a me in tanta laboris amplitudine fieri non potuit, ut susq; deq; feratis moram hanc maiorem in modum rogo, quam mihi partim fides mea atq; diligentia (dum laboro quam emendatissimū ex officina mea proficisci) excusabilem, partim nouitas difficultasq; ex ipso archetypo primū feliciter efformandi fecerunt etiā necessariam. Vos certe morę ueniam dabit, fidei atq; industrię meę fructum & nunc, ut spero, accipientes aliquem, & quantum erit mearum uirium deo duce sepius accepturi. Valete.

MELCHIOR Hedwigerus Typicarum
notarum compactor,
ad Lectorem.

Germanis omnis debet studiosa Iuuentus,
Scribere quod pręlis ij docuere notas.
Scriptorum nobis debes studiose Camertis,
Quod uigiles nostras hęc habuere manus.